

天一閣藏明代方志選刊續編

天一閣藏  
明代方志  
選刊續編

PDG

嘉靖懷遠縣志（安徽）  
弘治直隸鳳陽府宿州志（安徽）  
嘉靖潁州志（安徽）

# 天一閣藏明代方志選刊續編

三五

上海書店

懷遠縣志序

懷遠古名邑又爲

中都畿輔地塗荆二山對峙淮渦二水

合流以故賢才代出

國朝常忠武王遇春年恭定公富爲文

武名臣繼是而出者彬彬然文有人

焉嘉靖戊戌余奉

命巡江北按懷遠適疾留月餘詢邑志侍

御三峯商君令是邑對曰未有也余

嘆曰邑有志正如古列史美刺寓焉

勸戒興焉缺此典前何所傳後何所

鑒哉命禮請上舍楊君鈞與生員房

良施爲王鑰姚佺纂集之未幾商君  
以

內徵去縣丞鮑閣主簿戚謨相與資成  
之旣脫稿僉以序請余爲僭題首簡  
俾騰而刻于梓

嘉靖十八年歲次巳亥秋門七月吉

日...十八年...  
門...  
月...

欽差巡按直隸監察御史蒲坂舜原楊晚

叔後序...  
...  
...  
...  
...  
...  
...  
...  
...  
...

內...  
...  
...  
...  
...  
...  
...  
...  
...  
...

懷遠縣志序  
二終

...  
...  
...  
...  
...  
...  
...  
...  
...  
...

懷遠縣志總目

卷之一

地理形勢附

建置沿革附

田賦

祠祀

卷之二

官師仕宦

人物

選舉

雜誌

此野...

卷之一

野...



懷遠縣志卷之一

地理

懷遠縣在渦水南西據荆山東南阻淮逾淮爲塗  
山禹貢徐州之域書曰海岱及淮惟徐州春秋  
屬宋後屬楚秦并天下屬泗水郡漢屬沛郡魏  
晉屬譙郡之新縣北齊置荆山郡唐李吉甫以  
渦口乃東南走集之地貞元後嘗夾岸爲城五  
代屬南唐周世宗伐淮南移下蔡浮橋於渦口

置鎮淮軍宋寶祐五年夏城荆山置懷遠軍領  
荆山縣始析地跨淮東西兼古揚州域矣元至  
元二十八年廢軍爲縣屬濠州隸安豐路

大明因之縣屬鳳陽府東達於府七十里東鳳陽西  
蒙城南壽州北宿州廣一百二十里袤一百十  
十里舊有城寰宇記云圍三百步因山爲城阻  
河爲池本梁魏戰爭時所築周世宗置郡城始  
大宋夏貴禦元師倚爲重鎮城門立東禹會西

捧玉南青龍北還京及小東門後城廢歷元至  
景泰元年知縣王道始因故址脩築尋復堙圯  
正德六年山東盜起劫掠州縣都御史叢蘭檄  
知縣李豫城荆山爲中都扞蔽今亦廢僅存遺  
址及西南兩門戶六千二百九十二人口四萬  
八千二百七十三凡四鄉四十有七里

荆山在縣治西周迴十里餘高五里上有玉坑舊  
志卞和得玉處也坑中白石與山石特異嘉靖

戊戌御史楊瞻立石坑左大書題曰楚卞和玉

峽故跡命舉入唐寧作記

嘉靖戊戌歲春原揚瞻以御史奉

命南巡按諸辟昭德塞遠神欽人畏適經按我荆土  
過于政暇披曷志考遺風爰尋古跡而表著之  
以開幽也曰經茲懷遠東有塗山神禹廟貌奠  
居其巔曰美哉巍巍乎萬世未賴其功昭矣功  
而弗德非禹其誰能俯之西有荆山厥惟在巔  
者啓廟峙焉曰美哉颯颯乎敬繼承禹之道其  
德懋矣非啓其誰能開之萬世家天下者罔不  
知乎有啓也顧予其何言哉公一日往陟于荆  
麓抱璞之巖見大石穹隆軒然如宇韓非子曰  
和抱璞而泣三日夜泣盡繼之以血此即其棲  
止處也又上而之山峭見奇石璘珣玄質而白  
如雪俯視群峯此爲持異焉園經曰卞和得璞

于荆山此即其攻王之峽也行不數步曲池然  
水四時不涸志曰鳳凰池者是也公乃嘆曰於  
戲鳳兮鳳兮昔固以有王而棲也而今安在哉  
時維青茵四合霧鎖雲封而已撫然者久之乃  
復嘆曰於戲和氏其寢溼矣乎昔時抱璞巖前  
恨其誰與招之於是命工立碑三座大題其面  
一曰楚卞和王峽故跡則豎于峽上之旁左一  
曰鳳凰池者則豎于池之旁左一曰楚卞和王  
峽正路則豎于迎薰門之旁右俾往來者有所  
覩省往跡其昭然矣乎仍命縣侯役工爲之作  
祠于啓皇廟之西序肖遺像于其中屬寧以文  
助石以昭有永寧感而謂曰嗟乎天下之事孰  
不曰莫良于遇莫不良于不遇是同以遇爲幸  
也殊不知不遇者亦未必其終于泯也須乃時  
哉而已蓋卞和氏者楚之逸民也夫始惟以獻  
玉一事歷楚武王文王兩罹則足之慘是和之

不遇何如也豈惟王哉傳成王始悟命主人剖  
 之而得寶一旦和氏之璧易之相如思完璧歸  
 趙時雖碎肯不顧及李斯篆文既成而萬代傳  
 知真玉之見知于世者固弗能以終晦和之出  
 蘭于始者其乃大遇于其終也耶今其祠成像  
 立孰知百世之下得我楊公焉發之是又何如  
 其遇之然則士君子之處世此亦可以觀矣因  
 爲之歌曰荆山之韞重輝載揚維微斯彰維幽  
 斯烈屈以成伸長以基得淮水涉湯楚雲洩洩  
 先生之氣浩然之塞倪天之精瑩月之白先生  
 之風湧與之協潛德幽光恢恢燁燁於萬斯年  
 詠歌弗輟揚公諱濬字叔後號舜原山西蒲州  
 人皆嘉靖十七年八月吉

御進士邑人唐寧頌首記

玉峽旁有鳳凰池亦

大書立石題曰鳳凰池皆所以表其異也又北

下有三仙避雨石

石高七尺徑三尺前有三人影跡上有玉條二字後亦有

二人跡今破作三下有二人跡俗呼爲仙人

其北麓下有蓮花池

水舊通淮歲久堙塞爲居民蔬圃今集水爲患

嘉靖戊戌秋御史楊瞻命知縣商承學濬之俾

復故道入淮名曰古河仍命教諭杜鳳鳴作記

嘉靖戊戌秋御史古蒲坂楊公奉

命南畿巡按至代懷遠因疾留疾稍愈政稍暇登荆

山以方占跡止西門而下西門耆民陳蘭輩進

曰此門下舊有河一灣環縣通淮以洩氾濫之

水民常賴此以奠厥居今歷時久壅塞無後河  
形運歲久而水積無洩居民恒受患賴爲我民

除之公聞其說即憫然相其地見西南接荆山  
東南接縣治北有渦水東南有淮水獨此地最  
下乃嘆曰接荆山則水勢急接縣治則風氣閑  
近渦淮二河則水有歸斯壑也不止益曰姑且  
益縣治矣命邑侯商君曰汝其為我議諸父老  
相宜甯勃而利導之庶一方可免昏墊之虞百  
里可開風氣之美商君謹如其命鑿之深若干  
尺遠則若干丈凡若干日告成焉夫天下之事  
有所因則易以興無所因則易廢以而况又有  
益于百姓有益于治道如此類乎者自後之添  
成者視之且併其為民患者而莫之知以荆山  
之首有水龍得水之象也縣治四面有水帶環  
繞之象也人才之盛衰氣運之昌否雖不專干  
此而亦未始不關于此我公之居荆山也念亦  
勤哉他如祀夏啓王重建玉岩宮建卞和氏祠  
承鳳凰池表卞和玉峽故跡表卞和玉峽正路



谷爲巖碑開廣學路步連恭定年公祠建泮宮  
逸齋蘇秀三坊連二連上坊修三學官第凡若  
北者豈好爲是紛紛大抵明不至者不知爲也  
幹不至者不能爲也公不至者不肯爲也公於  
三者至是故請務舉之易易耳意此猶以遊論  
也公居茲禮賢士作人才旌善良仲克狂鋤強  
界抑奔疏推實心以行實政幾月民率向服蓋  
天理之在人心自有不容泯滅者鳳鳴無似敬  
述其實以附記始末云揚公端瞻字叔後號舜  
原山西蒲州人鳳鳴之陽封君子也嘉靖十七  
年秋九月吉掌懷遠學諭  
事關中杜鳳鳴項首註撰

巖也下爲碧溪澗水入於淮有圓石規可踰丈

上有刻云

玄帝仙批石往來人不識畧剖與君  
知萬載留踪跡刻甚古不可考而知